



UNIVERSITÄTS-
BIBLIOTHEK
PADERBORN

Universitätsbibliothek Paderborn

L. Annæi Senecæ Philosophi Opera, Qvæ Exstant Omnia

Seneca, Lucius Annaeus <Philosophus>

Antverpiæ, 1605

Pavlo V. Pontifici Opt. Max.

[urn:nbn:de:hbz:466:1-53700](https://nbn-resolving.org/urn:nbn:de:hbz:466:1-53700)

PAVLLO V.
PONTIFICI
OPT. MAX.

BEATISSIME PATER,



Longinquis Belgarum oris stilo & affectu Romam venio, & sacris tuis pedibus aduoluo duo allaturus, Gratulationem & Donum. Illam, cum omni Christiano orbe, qui in auspiciis noui Pontificatus exsultat, & talem sibi datum in fluctibus & procellis his rerum, voce, gestu, animo triumphat. Audierant facta duorum Pontificum, nec longo temporum intervallo diuisa, & dolebant: sed tui renunciatione allatâ, vidisses subitâ luce vultus illustres, & mutasse lacrimas in gaudia, an & gaudia in lacrimas dicam? Certè in multis ea vis fuit, & meritò. nam secunda illa fama virtutum tuarum iamantè sic inualuerat, vt suffragia quidem sacri Collegij apicem huius honoris contulerint, sed vota omnium destinarint. Rara felicitas, iudiciis dignitatem possidere, antequam infulis præferre: & censeferi Pontificem, nondum esse. O magna vis virtutis! & ô occultum in animis præfagium, qui eò vocabânt, quò Deus & merita iam ducebant! Deus, inquam. nam

electio tua, quid nisi palàm diuina fuit? Non enim de-
liberatione longâ, nec suffragiorum morosâ trutinâ
Pontificatus delatus est, sed impetu & veriùs instin-
ctu impositus; & vna ac consentiens vox, quid vocem
dico? neque ea exspectata est, sed procurfus & adora-
tio talem fecit. Agnosco in rebus humanis vim &
regimen Numinis, sed præsertim in arduis; & quos
sibi proximos constituit, clariore quâdam notâ eligit,
tuetur, fouet. Te fecit, quem? à naturâ, à doctrinâ,
ab vsu eximium; & sanctimoniâ, castitate, benignita-
te, prudentiâ, quid verba facio? ab omni virtute sic
conspicuum, vt publica vox sit & confessio, talem
esse debere qui à populis adoretur. Ergo iure gratu-
lamur, & nos etiam Belgæ propriâ quâdam causâ. Ec-
ce iactamur, ac pænè mergimur, fluctibus armorum
simul & errorum: spes nobis est, & preces porrigi-
mus, ô adiuua. vtere auctoritate tuâ & Principum, ac
funesta hæc arma poni iube, quæ inualescunt in exi-
tium Europæ. Cuius exiguus quidem, sed potens &
magni in omnes partes momenti, angulus sumus: &
vt hîc facies rerum erit, vereor & prædico (da veniam)
in plerâque finitimâ Europâ erit. Non vocamus ad
seuera, sed ad mitia consilia: Pacem, Pacem ingemi-
namus, & suaue illud nomen, quod non nisi belluæ
adspernantur. Gratulationem igitur vides, BEATIS-
SIME PATER, sed donum etiam nunc meum offe-
ro & reuelo. En, ANNAEVM SENECAM, laudatif-
simum inter omnes veteres scriptorem, & virtutis stu-
dio pænè Christianum (ita nostri censuerunt) emen-
datum

datum variè & illustratum damus, & deponimus ad
sacros tuos pedes. Libens ROMAM venit, quid mi-
rum est? in vetus suum domicilium & sedem. Ad
PAVLLVM: quidni faciat? ad olim etiam familiarem
& amicum. Nam Apostolorum ille alter quòd hunc
complexus sit, & ipse illum; etsi è scriptis huius parùm
liquidò constat, tamen consensu suadent credere pri-
sci illi nostri & sancti Patres. Suscipe igitur ô summe
Antistes, & Virtutis atq; Honesti vnicum præconem,
tu qui illa habes & colis, amplectere, & bono generis
humani (audacter dicam) famam & lucem illi cir-
cumda. Tui hoc arbitrij est. qui attollere & deprime-
re potes; quem Europa, Asia, Africa, quem America
& ipse nouus orbis suspiciunt, & ab oraculo tuo solli-
citi omnes pendent. Nos certè, BEATISSIME PA-
TER. & affectu iam, quod dixi, congeniculamus; feli-
ces, si præsentibus id liceret! Louanij, v. Kalend. Iu-
lias, ∞. 100V.